

Kalaallit Nunaanni sulisilluni ajoqusersinnaanermut isumannaarineq pillugu inatsimmut nalunaarut malillugu suliffimmut suliffimmillu angallassinermi sulisilluni ajoqusersinnaanermut isumannaarinneq pillugu nalunaarut

Inatsimmut nalunaarut nr. 75, 16. januar 2016-imeersoq, aamma Kalaallit Nunaanni Namminersorlutik Oqartussat isumaqatigiinniarfigereerlugit, Kalaallit Nunaanni sulisilluni ajoqusersinnaanermut isumannaarineq pillugu inatsimmi § 4, imm. 3 malillugu, aalajangerneqarpoq:

§ 1. Aalajangersimasumik utaqqiisaaggallartumilluunniit suliffimmut suliffimmillu angallassineq inatsit malillugu isumannaarneqanngilaq, aamma ajoqusernerit, taamatut angallassinermi pisut, sulisilluni ajoqusernertut akuersarneqanngillat, taamaattoq § 3 aamma § 4 takukkit.

Imm. 2. Sulinermut atatillugu imaluunniit suliffeqarfip ingerlanneqarneranut atatillugu pikkorissarnerni peqataanerit sulinermut naliqissinneqarput. Taamaammat pisuni taakkunani §§ 2-miit 4 ilanngullugu atorneqassapput.

§ 2. Nalunaarummi matumani tulliuttut ima paasineqassapput:

1) Aalajangersimasumik suliffik: Nunap ilaani ataatsimi arlalinniluunniit, illoqarfimmi eqqaanilu imaluunniit sumiiffiit, sulinerup nalinginnaasumik suliarineqartarfia. Suliffimmi biilinut inissiisarfiit, umiarsualiviit aamma silami sumiiffiit allat, taakku suliffeqarfip sumiiffiani suliffeqarfip aqqusernginut, aqqutissiaanut assigisaannulluunniit atassuteqarpata, imaluunniit suliffeqarfip arlatigut atorsinnaappatigit, suliffeqarfimmut ilaatinneqassapput.

2) Utaqqiisaaggallartumik suliffeqarfik: Suliffeqarfik, utaqqiisaaggallartumik suliffeqarfimmi unnuinermut atassuteqanngippat, aalajangersimasumik suliffeqarfik taarserlugu piffissami killimmi suliffeqarfiusoq.

3) Suliffimmut atatillugu angalaneq: Suliffimmut atatillugu angalaneq unnuinertalik aamma siuningaani ullunik 28-inik sivikinnerusumik sivisussuseqartussatut aalajangerneqartoq. Sulinermut atatillugu angalaneq katitikkamik immikkoortiterneqarsimappat, piffissap sivisussusissaanut piumasaqaat angalanernut katitikkamik immikkoortiterneqartunut tamanut atuuppoq. Sulinermut atatillugu angalaneq ullunik 28-inik sivisunerusumilluunniit sivisussuseqartussanngorlugu sivitsorneqarpat, angalaneq nr. 4 malillugu ullup 28-issaanit sulinermut atatillugu inissiinertut isigineqassaaq.

4) Sulinermut atatillugu inissiineq: Sulinermut attuumassuteqartumik angalanerit, sumiiffimmi tassani minnerpaamik ullunik 28-inik sivisussuseqartussatut najugaqarnissamik kinguneqartussatut pilersaarusiorneqartut, aamma sulinermut atatillugu inissiinermi najugaqartoqassaaq. Sulinermut atatillugu inissiineq katitikkamik immikkoortiterneqarsimappat, piffissap sivisussusissaanut piumasaqaat angalanernut katiterlugu immikkoortitikkanut tamanut atuutissaaq.

§ 3. Ajoqusernerit, suliffimmut suliffimmillu angallassinermi pisut, angallassineq piviusumik naliliineq malillugu sulinermut atatinneqartutut isigineqartariaqarpat imaluunniit piviusumik naliliineq malillugu annerusumik suliffeqarfiup soqtigisaatut nalilerneqarpat, inatsit malillugu isumannaarneqarput. Angallassinerup assartuummi, sulisitsisumit atorneqartussatut tunniunneqarsimasumi pisimappat tassani apeqquaanngilaq. Ilaatigut pissutsit tulliuttut angallassinerup suliffeqarfiup soqtigisaasa ingerlanneqarnerani pisimaneranut ersersitsippu:

- 1) assartuinerup aaqqissuunneqarnerata pissusaa, sulisitsisup aningaasatigut iluanaarutigaa,
- 2) angallassineriaq sulisitsisup aaqqissuuppa aamma aalajangiiffigisinnaavaa, imaluunniit
- 3) kingoraartissat, sakkuitit imaluunniit sulinermut atortut allat, sulisitsisup pigisai, sulisitap nassarpai.

Imm. 2. Ajoqusernerit sulisilluni atortunit il.il. pissuteqartut, matumani ajoqusernerit, taamaattussaanngikkaluartumik sulisilluni atortut il.il. pissutigalugit annertunerusut ilanngullugit, imm. 1, nr. 3 malillugu isumannaarininnnermi aamma ilaapput.

§ 4. Suliffimmut suliffimmillu angallassineq ilaatigut inatsit malillugu isumannaariniffiuvoq makku pisimatillugit:

- 1) Sulisoq suliffimmukarnermini imaluunniit suliffiminngaanneernermini sulisitsisoq imaluunniit suliffeqarfik sinnerlugu kiffartuussivoq, taamaaliornerullu sulisitap angerlarsimaffimi suliffimmilu akornanni nalinginnaasumik aqqutigisartagaanit allaanerusumik angallaveqarnermik kinguneqarpoq. Suliffimmukarnermi kiffartuussinermk taamaattumik suliaqarnermi, angallassinerup nalaani kiffartuussinerup aallartinneranit isumannaarininnneq aallartippoq. Kiffartuussineq suliffiminngaanneernermi suliarineqarpat, isumannaarininnneq suliffimmit aamma kiffartuussinerup naanissaanut pissaaq.
- 2) Sulisoq sulisitsisumit aggersarneqarpoq imaluunniit suliffeqarfiup soqtigisaa isumaginiarlugu sulinngiffimmini imaluunniit suleriaannaasitaaguni suliartortariaqartutut pinngitsaalisaavoq.
- 3) Sulisoq suliffimmini atugassarititaasunut ilaatillugu sulinermut atatillugu angalavoq. Najugaqarfiup sumiiffiullu suliap suliarineqarfissaata akornanni, aamma inissimmaviup aamma suliffiup taassuma akornanni angallassineq isumannaarininnnermi ilaavoq.
- 4) Sulisoq suliffimmini atugassarititaasunut ilaatillugu sulinermut atatillugu inissinneqarpoq. Najugaqarfiup sulinermullu atatillugu inissiiviup akornanni angallassinermi isumannaarininnneq ilaavoq. Sulinermut atatillugu inissinneqarnerup nalaani inissimmaviup suliffiusullu akornanni angallassineq aammattaaq nalunaarut manna malillugu nalilerneqassaaq.
- 5) Sulisoq najukkaminit suliamik suliaqarpoq, aamma sullitat imaluunniit niueqatigisat il.il. akornanni angallassinermik sulineq kinguneqarpoq.

§ 5. Nalunaarut ulloq 1. Juli 2024 atuutilissaaq aamma ajoqusernernut, ullormi atuutilerfiusumi imaluunniit kingusinerusukkut pisuni atutissalluni.

Imm. 2. Kalaallit Nunaanni suliffimmut suliffimmillu ingerlanneqarnermi sulisilluni ajoquusersinnaanermut isumannaarineq pillugu nalunaarut nr. 1626, 21. december 2010-imeersoq atorunnaarsinnejqassaaq.

Beskæftigelsesministereqarfik, ulloq

Atsiortoq 1

Atsiortoq 2